

Na osnovu člana 17. Zakona o Vijeću ministara Bosne i Hercegovine („Službeni glasnik Bosne i Hercegovine“, br. 30/03, 42/03, 81/06, 94/07 i 24/08), člana 54. stava (1) tačke b) i člana 56. Poslovnika o radu Vijeća ministara Bosne i Hercegovine („Službeni glasnik BiH“, broj 22/03) Vijeće ministara Bosne i Hercegovine na 112. sjednici, održanoj 11. 6. 2026. godine, pod tačkom 24, donijelo je

## ZAKLJUČAK

1. Vijeće ministara razmotrilo je Godišnji konsolidirani izvještaj interne revizije za 2025. godinu te s tim u vezi zaključilo:
  - usvaja se Godišnji konsolidirani izvještaj interne revizije za 2025. godinu;
  - zadužuju se Direkcija za koordinaciju policijskih tijela Bosne i Hercegovine i Agencija za pružanje usluga u zračnoj plovidbi - BHANSA da izvrše nužno usklađivanje pravilnika o unutrašnjoj organizaciji u dijelu koji se odnosi na unutrašnju reviziju kako bi se funkcija unutrašnje revizije uspostavila u skladu s relevantnim propisima;
  - zadužuje se Agencija za pružanje usluga u zračnoj plovidbi – BHANSA da, u skladu sa Zakonom o unutrašnjoj reviziji institucija Bosne i Hercegovine i u predviđenom roku i formi, dostavlja svoj godišnji izvještaj unutrašnje revizije Centralnoj harmonizacijskoj jedinici Ministarstva finansija i trezora Bosne i Hercegovine;
  - zadužuju se Ministarstvo odbrane Bosne i Hercegovine, Ministarstvo sigurnosti Bosne i Hercegovine i istovremeno se preporučuje Parlamentarnoj skupštini Bosne i Hercegovine, kod kojih nisu u potpunosti kadrovski popunjene jedinice unutrašnje revizije, da zajedno s Ministarstvom finansija i trezora Bosne i Hercegovine osiguraju potrebna sredstva i provedu procedure zapošljavanja unutrašnjih revizora u 2026. godini;
  - poziva se institucija Predsjedništva Bosne i Hercegovine da potpiše Sporazum o vršenju funkcije unutrašnje revizije i Povelju unutrašnje revizije s nadležnom Jedinicom unutrašnje revizije Ministarstva finansija i trezora Bosne i Hercegovine kako bi se uspostavila funkcija unutrašnje revizije u Predsjedništvu Bosne i Hercegovine u skladu s relevantnim propisima;
  - zadužuje se Ministarstvo finansija i trezora Bosne i Hercegovine da, u saradnji sa Centralnom harmonizacijskom jedinicom Ministarstva finansija i trezora Bosne i Hercegovine, osigura nesmetano funkcioniranje, rad i razvoj PIFC aplikacije u institucijama Bosne i Hercegovine;
  - zadužuju se Jedinica unutrašnje revizije Ministarstva sigurnosti Bosne i Hercegovine i unutrašnja revizija Agencije za pružanje usluga u zračnoj plovidbi - BHANSA da, u skladu sa zaključkom Vijeća ministara Bosne i Hercegovine i relevantnim propisima, koriste i primjenjuju PIFC aplikaciju u svom radu;

- zadužuje se Centralna harmonizacijska jedinica Ministarstva finansija i trezora Bosne i Hercegovine da u okviru Godišnjeg konsolidiranog izvještaja izvijesti o funkcioniranju i primjeni PIFC aplikacije u vršenju unutrašnjih revizija u institucijama Bosne i Hercegovine;
  - zadužuje se Ministarstvo civilnih poslova Bosne i Hercegovine da utvrdi i otkloni razloge koji su doveli do situacije da Centralnoj harmonizacijskoj jedinici Ministarstva finansija i trezora Bosne i Hercegovine nije omogućeno da izvrši planirani pregled kvaliteta rada Jedinice unutrašnje revizije Ministarstva civilnih poslova Bosne i Hercegovine u 2025. godini, te da razmotri mogućnost osiguranja eksternog ocjenjivanja rada Jedinice unutrašnje revizije u skladu s relevantnim propisima;
  - pozivaju se rukovoditelji institucija Bosne i Hercegovine da, u saradnji s jedinicama unutrašnje revizije, poduzmu dodatne mjere na realizaciji nerealiziranih preporuka unutrašnje revizije;
  - zadužuje se Jedinica unutrašnje revizije Ministarstva sigurnosti Bosne i Hercegovine da poštuje mandat unutrašnje revizije kod pripreme Godišnjeg plana rada i da, u skladu s relevantnim propisima, dostavlja izvještaj rukovoditelju institucije i Centralnoj harmonizacijskoj jedinici Ministarstva finansija i trezora Bosne i Hercegovine o osiguranju i unapređenju kvaliteta unutrašnje revizije;
  - zadužuje se Ministarstvo finansija i trezora Bosne i Hercegovine da Godišnji konsolidirani izvještaj unutrašnje revizije za 2025. godinu dostavi Parlamentarnoj skupštini Bosne i Hercegovine;
  - zadužuju se jedinice unutrašnje revizije i pozivaju nadležne institucije Bosne i Hercegovine da realiziraju preporuke koje je dala Centralna harmonizacijska jedinica Ministarstva finansija i trezora Bosne i Hercegovine u Godišnjem konsolidiranom izvještaju unutrašnje revizije za 2025. godinu.
2. Ovaj zaključak stupa na snagu danom donošenja i neće se objavljivati u „Službenom glasniku BiH“.

Broj: 05-07-1-1256-24/26  
Sarajevo, 11. 6. 2026. godine

M. P.

Predsjedavajuća  
Vijeća ministara Bosne i Hercegovine  
Borjana Krišto

